

111480  
=4

詳註

分類楹聯集成

上海會文堂印行

唐駢署



中国国家图书馆  
NATIONAL LIBRARY OF CHINA

### 新 楹 聯 類 編

●全書四册

是編搜集楹聯善本  
悉心選錄並請通人  
就昔無今有之事如  
新公署新營業及紀  
元紀念學校畢業之  
類分門擬撰依次列  
入無體不備有美必  
臻楹聯書之善本也

●價洋三角

### 楹 聯 叢 話



是書久為士林所  
膾炙惟坊間所售  
僅有正集且漫漶  
而不可讀本局覓  
得原書全集內分  
正集十二卷續集  
四卷巧對錄二卷  
繕校付印全書六  
册定價大洋六角

詳註分類楹聯集成卷四

名勝

都門陶然亭

似聞陶令開三徑  
來與彌陀共一龕  
林則徐

烟籠古寺無人到

翁方綱

樹倚深堂有月來

窗前竹樹分禪榻

失名

城外青山到酒杯

客醉共陶然四面涼風吹酒醒

蔡錦泉

人生行樂耳百年幾日得身閒

爽氣抱城來拄笏看山宜此地

盧禪普

綠陰生畫靜憑欄覓句幾閒人



果然城市有山林除却故鄉無此好  
難得杯酒澆塊壘釀成危局待誰支  
江峰青

長戈滿地一亭獨幽客子河梁攜手去  
把酒問天陶然共醉西山秋色上衣來  
阮仲德

金鼈玉棟橋  
玉宇瓊樓天上下  
方壺員嶠水中央  
趙甌北

通州河樓  
高處不勝寒朔沙烏風悅七十二沽丁字水  
夕陽無限好對燕雲薊樹百千萬疊米家山  
程德潤

泰山壺天閣  
登此山一半已是壺天  
造絕頂千重尚多福地  
廷 銘

泰山樓  
我本楚狂人五嶽尋仙不辭遠  
地猶鄒氏邑萬方多難此登臨  
彭玉慶

泰山雨花院  
雨不崇朝徧天下  
花隨流水到人間  
失名

嵩山二室  
近四旁惟中央統泰華恒衡四塞關河拱神嶽  
歷九朝為都會包伊洛瀍澗三臺風雨作高山  
齊鯤

恒山南關  
峻嶽鎮幽燕近翔黃圖風雨永昭和會  
靈山鍾畢昂遙連紫塞陰陽迭起貞元  
失名

華山玉泉院  
三峯三霄通寶掌千秋留蘚迹  
一嶽一石作金天萬里轟蓮花  
嚴長明

居民位而踐離躔溥雷池風穴之功柱鎮天南斗橫

衡山南嶽  
地北  
列三公而配四嶽標月館露臺之勝帆隨湘轉雁到  
峯回失名

詳註分類極聯集成  
各務  
會文堂書局印行

望望七十二峯工部游時詩聖有誰能繼響  
遙遙一千餘歲文公去後嶽雲從此不輕開  
失名

山東大明湖薜荔樓  
四面荷花三面柳  
一城山色半城湖  
劉金門

地占百彎多是水  
樓無一面不當山  
孫星衍

舟行着色屏風裏  
人在回文錦字中  
前名

釣突水  
畫閣鏡中看幻作神仙福地  
飛泉雲外聽寫成山水清音  
石琢堂

北極閣  
宮中下見南山盡  
城上平臨北斗懸  
集句

河南南陽城樓  
名士青山卧武侯  
陸澹


陳州太皞陵  
洩造化之機絨萬世文章開易象  
規山川之形勢千秋陵寢奠淮陽  
王掌然

函谷關龍門閣  
未許田文輕策馬  
願逢老子再騎牛  
失名

陝西興平馬嵬坡  
鶯花尚戀霓裳影  
環佩空歸月下魂  
畢秋帆

臨潼華清池  
繡嶺菱荆榛祗餘堠館留賓記  
當年賜浴池邊長恨空吟白傅  
環園新結構云是唐宮舊址問我輩沈香亭北雅  
材誰嗣青蓮  
楊蓉浦

詩註分類楹聯集成  
卷四  
各勝  
會文堂書局印行



中国国家图书馆  
NATIONAL LIBRARY OF CHINA

潼關 華嶽三峯憑檻立  
黃河九曲抱關來 失名

漢中天漢樓 到此最高看芳樹春流一覽兼收秦蜀景  
何須更上誦好山雲影五言已盡宋元詩 失名

甘省拂雲樓 積石導流趨大海  
崆峒倚劍上重霄 左宗棠

終南太華鎮東方楊柳金城萬井挹關中紫氣  
蔥嶺崑崙睇西極葡萄五塞一尊撰天上黃流 裴伯謙

平涼六盤山 峯高華嶽三千丈  
險據秦關百二重 失名

蘭州五泉山 佛地本無邊看排闥層層紫塞千峯平檻立  
清泉不能濁笑出山滾滾黃沙九曲抱城來 梁章鉅

肅州酒泉井 中聖人之清有如此水  
取醉翁之意以名吾亭 左宗棠

鎮遠浮橋 天險化康衢直如海市樓中現不住法  
河壩開畫本安得雲梯關外作如是觀 梁章鉅

四川古柏亭 柯如青銅根如石  
花為四壁船為家 集句

望江樓 引袖拂寒星古意蒼茫看四壁雲山青來劍外  
停琴佇涼月予懷浩渺送一篙春水綠到江南 顧復初

漢水接蒼茫看滾滾江濤流不盡雲影天光萬里朝宗東入  
海

錦城通咫尺聽紛紛絲管送來些鳥聲花氣四時佳興此登  
樓 楊宗蔚

成都薛濤井

古井冷斜陽問幾樹枇杷何處是校書門卷

武介康

蘇公讀書臺

長江橫曲檻賸一樓風月要平分工部祠堂  
江上此臺高問坡穎而還千載讀書人幾箇  
蜀中遊迹遍看嘉峨並秀扁舟載酒我重來

何紹基

川南第一橋

風月無邊長安北望三千里  
江山如畫天府南來第一州

失名

伏龍觀八角亭

千年雪嶺欄邊出  
萬里雲濤坐上浮

陸放翁集句

天回鎮

地轉錦江成渭水  
天迴玉壘作長安

集李青蓮句

嘉定凌雲山

千青雲而直上  
障百川而東之

集句

少陵草堂

十年幕府悲秦月  
一卷唐詩補蜀風

高升之

詩史數千言秋天一鷓先生骨

象子氏

草堂三五里春水羣鷗野老心

異代不同時問如此江山龍蟠虎卧幾詩客

顧復初

先生亦流寓有長留天地月白風清一草堂

地有千秋南來尋丞相祠堂一樣大名垂宇宙

沈葆楨

橋通萬里東去問襄陽耆舊幾人相憶在江樓

水石適幽居想溪外微吟翠竹白沙依草閣

失名

樓臺開幕景結花間小隊野梅官柳接春城

桂湖

五千里秦樹蜀山我原過客  
一萬頃荷花秋水中有詩人

曾國藩



秋色橫眉桂樹叢中招隱士  
湖光照面荷花香裏坐詩人

失名

宛在水中央聚千古名士忠臣人兩箇

費道純

生成香世界看滿湖春風秋月花四時  
故里望歸魂豈知仙客迴翔兩地雲山皆若寄  
羈臣猶血食誰念敬皇父子二陵風雨不勝寒

鎮南黑龍潭

兩樹梅花一潭水

碩慶

四時烟雨半山雲

海心亭

有亭翼然占綠水十分之一

黃奎光

何時閒了與明月對影而三

五百里滇池奔來眼底披襟岸憤喜茫茫空濶  
無邊看東驤神駿西翥靈儀北走蜿蜒南翔縞

昆明池大觀樓

柳

素高人韻事何妨選勝登臨趁蟹嶼螺洲梳裹  
就風鬟霧鬢更蘋天葦地點綴些翠羽丹霞莫  
辜負四圍香稻萬頃晴沙九夏芙蓉三春楊

數千年往事注到心頭把酒凌虛歎滾滾英雄

誰在想漢習樓船唐標鐵柱宋揮玉斧元跨革  
囊偉烈豐功費盡移山心力儘珠簾畫棟卷不  
及暮雨朝雲便斷碣殘碑都付與蒼烟落照空  
贏得幾杵鐘聲半江漁火兩行秋雁一枕清

霜 孫麟

華亭寺

一水抱城西烟靄有無挂杖僧歸蒼茫外

楊升菴

羣峰朝閣下雨晴濃淡倚闌人在畫圖中

桂省獨秀峯五詠堂

得地領羣峯目極舜洞堯山而外  
登堂懷往詒人在鴻軒鳳舉之中

梁章鉅

異代景前脩想石榻攤書竹林懷友

余小霞

新堂選舊觀對半潭秋水一柱奇峰

造物本無私移來檻外烟雲適開勝境

王惟誠

會心原不遠就此眼前山水猶見古人

城北李園

一帶林塘詩境界  
四時花果隱生涯

周升桓

李園簪碧堂

北院喜新成有寒碧千層遠青一角  
東君如舊識正庭槐垂蔭梁燕將雛

商盤

李園避暑節亭

乍來頓遠塵囂靜聽水聲真活潑  
久坐莫嫌荒僻飽看山色自清涼

李芸甫

貴陽圖雲關

兩脚不離大道喫緊關頭須要認清岔路  
一亭俯看羣山占高地步自然趕上前人

失名

說一聲去也送別河頭歎萬里長驅過橋使入天涯

北關頭橋

盼今日歸哉迎來道左喜故人見面握手還疑夢裏

人失名

飛雲洞

洞闢幾時問孤松而不語  
雲飛何處輸老鶴以長閑

龔學

到岸猛回頭聽潯陽第一灘聲浪與篙爭好仗

神威資利濟

鎮遠大王灘亭

順流須努力看黔國萬重水山風隨舵轉全憑

忠信涉波濤 前名



中国国家图书馆  
NATIONAL LIBRARY OF CHINA



湖南羅漢洞

洞口開自那年吞不盡瀟湘奇氣

巖腹藏些何物怕莫是今古牢騷

岳陽樓

四面湖山歸眼底

萬家憂樂到心頭

乾坤吳楚雙開眼

廊廟江吳一倚樓

杜老乾坤今日眼

胡文忠

洞庭西下八百里

徐小穀集句

范公憂樂昔人心

淮海南來第一樓

湘靈瑟呂仙杯坐攬雲濤人宛在

畢秋帆

子美詩希文筆笑題雪壁我重來

放不開眼底乾坤何必登斯樓把酒

吞得盡胸中靈夢方可對仙人吟詩

呂道人太無聊八百里洞庭飛過去飛過來一個神仙誰在眼

范秀才亦多事數十年光景甚麼先甚麼後萬家憂樂總關

心失名

蒼茫四顧俯吳楚刺水殘山今古戰爭場只合吹鐵笛一聲

喚醒滄桑世界

憑吊千秋問湖湘騷人詞客後先憂樂事果誰抱布衣獨任

擔當日夜乾坤

李秀峯

一樓何奇杜少陵五言絕唱范希文兩字關情滕子京百廢

俱興呂純陽三過必醉詩耶儒耶吏耶仙耶前不見古人使

我愴然涕下

請君試看洞庭湖南極瀟湘揚子江南通巫峽巴陵山西來

爽氣岳川城東道巖疆瀟者流者峙者鎮者此中有真意問

誰領會得來何紹基

寶慶雙清亭

雲帶鐘聲穿樹出  
風搖塔影過江來

失名

把酒滌煩襟任天涯草綠世界塵紅此心澄似雙江水  
憑欄舒畫眼看遠浦帆檣夕陽城郭勝概多於六嶺春

失名

桃源漳德關

大塊煥文章白雲在天滄波無際  
春風煽淑氣雜花生樹羣鶯亂飛

失名

桃花源山

絕境此何來版圖原非劉氏土  
避秦意休問世家本屬晉時人

余良棟

無怪倏爾而秦倏爾而漢到此地小坐片時便成旦暮

李姓

看來何必有洞何必有花與諸君清談半晌即是神仙  
說甚神仙看千年石洞開時城郭人民還是耕田鑿井  
閱成今古聽半夜金雞叫醒興亡秦漢都歸流水桃花

失名

水源亭

洞闕幾時問桃花而不語  
亭蹲一角對潭水以懷清

李維丙

村舍儼然笑漁人迷不得路

曾昭寅

水源究在偕太守常來問津

問津亭

漁父不來桃花何處  
空亭獨在流水自聞

失名

觀秀軒

問俗已非避秦世  
愛奇願作任山僧

失名

澧州南樓

八百里秋水洞庭沂源此近  
二千年美人香草把筆誰來

朱貞白

慈利亞門關

抱九澧上遊試飽看零山澗水  
請諸君小坐與細談秦塞漢關

田東溪

岳州小喬墓

芳塚弔斜陽一樹女貞長不死  
大江流日夜千秋環佩可歸來

張濬

姊妹花殘青草湖邊雙斷雁

吳樹楷

珮環月冷紫藤牆外有啼鴉

銅雀有遺悲豪傑功隨三國沒

失名

紫鷓無限恨瀟湘月冷二喬魂

戰士久無家赤壁清風蘇子賦

劉士清

佳人猶有塚黃陵芳草杜鵑啼

拂絃顧曲詔周郎竟能赤壁鏖兵恨銷銅雀

章之峻

同穴湘山羨妃子撫此東吳坏土望斷秭歸

小院闌從今對馬鬣一坏秋風酒醉湖蘋白

大姨渺何處獨蛾眉千古春雨香留墓草青

世界已非唐虞近接叢祠生喜有隣傍舜婦

失名

英雄不及兒女虛傳疑塚死憐無地葬曹瞞

銅雀鎖春風可憐歌舞樓臺千古不傳奸相塚

李秀峯

杜鵑啼夜月也為英雄夫塚三更猶弔美人魂

銅雀算老瞞安樂窩賈履晚無聊一世雄盡美人無盡

悔翁

洞庭是夫婿戰利品埋香茲有託三分鼎七坏土不七

粵東羅浮山蘇醪觀

小樓容我靜

楊應琚

萬壑烟雲留檻外

梁章鉅

半天風竹拂窗來

鎮海樓

百千劫危樓尚存問誰摘斗摩霄目空今古  
五百年故侯安在祇我倚闌看劍淚灑英雄

失名



中国国家图书馆  
NATIONAL LIBRARY OF CHINA

湖名合抗潁而三水木清華惜不令大蘇學士到

潮州西湖山

此山勢分郊郭之半樓臺金碧還須倩小李將軍畫  
來蔣厚傳

湖北黃鶴樓

黃鶴飛去且飛去  
白雲可留不可留  
胡文忠

對江樓閣參天立

方維新

全楚山河縮地來

我輩復登臨昔人已乘黃鶴去

端方集句

大江流日夜此心常與白鷗盟

心遠天地寬把酒憑欄聽玉笛梅花此時落否

彭玉麀

我辭江漢去推窗寄慨問仙人黃鶴何日歸來

到來徑欲凌風去

魯之裕

吟罷還思借笛吹

一樓萃三楚精神雲鶴俱空橫笛在

薩迎阿

二水滙百川支流古今無盡大江流

何時黃鶴重來且自把金樽看洲渚千年芳草

失名

今日白雲尚在問誰吹玉笛落江城五月梅花

江漢美中興願諸君努力匡時莫談賞樓頭風月

張之洞

輜軒訪文獻記早歲放懷游覽曾飽看春暮烟花

黃鶴樓太白亭

此地饒千秋風月  
偶來作半日神仙

余本敦

攬勝我長吟碧落此時吹玉笛

畢秋帆

學仙人漸老白頭何處覓金丹



宛然海上三山藐矣安期先我亭前探棗實  
猶是江城五月仙乎太白與君笛裏聽梅花 失名

漢陽晴川閣 漢口夕陽斜度鳥  
楚江燈火看行船 蕭德宣集句

山勢西分巫峽雨 失名  
高閣通天紅日近 失名  
江流東壓海門潮 失名  
一川如畫晚晴初 失名

靈瀆走雙龍夾岸直疑銀漢落 陳淮  
仙蹤杳孤鶴隔江但有白雲來

傑觀飛甍檻外蜀吳橫萬里 陳大文  
風帆沙鳥天邊江漢湧雙流

棟宇通層霄憶幾番仙人解佩詞客題襟風日最佳時坐倒  
金樽卻喜青山排闥至

川原攬全省不盡鄂渚烟光漢陽樹色樓臺如畫裏卧吹玉  
笛還隨明月過江來

漢陽伯牙臺 志在高山志在流水  
一客荷樵一客聽琴 失名

道旁樵客何須問 黃獻卿  
琴上遺音久不傳

黃州赤壁 勝蹟別嘉魚何須訂異箴謔但借江山攄感慨  
豪情傳夢鶴偶爾吟風嘯月毋將賦詠概生平 朱蘭坡

南昌滕王閣 帝子長洲仙人舊館  
將軍武庫學士詞宗 失名

地潤天空山高月小 失名  
龍吟虎嘯魚躍鳶飛 失名

詳註分類極聯集成  
名勝  
會文堂書局印行



中国国家图书馆  
NATIONAL LIBRARY OF CHINA

依然極浦遙天想見閣中帝子

宋牧仲

安得長風巨浪送來江上才人

我輩復登臨目極湖山千里而外

李春園

奇文共欣賞人在水天一色之中

興廢總關情看落霞孤鶩秋水長天幸此地湖山無恙

劉峴莊

古今纔一瞬問江上才人閣中帝子比當年風景何如

隔岸眺仙蹤問樓頭黃鶴天際白雲可被大江留住

袁恕

繞闌尋勝蹟看樹外烟波洲邊芳草都憑傑閣收來

鳴鷺畫靜畫蝶春融當年文采風流雨捲雲飛餘勝賞

王霞軒

乘鶴樓高燃犀渚迴是處江山暉映詩成酒熟待才人

排闥兩峯青欣輪奐齊雲環雉堞更上一層盡見

### 九江匣劍樓

匡廬真面目

干霄千丈紫恐鋒銜過露斂龍光深藏什襲如羅

星宿壯心胸鄭仁圃

### 庾樓

半壁江山六朝雄鎮

一樓風月幾輩傳人

洪稚存

如此江山何幸不才來領郡

張寅

亦談風月每逢嘉興即登樓

### 烟水亭

勝蹟表宮亭况卻當廬阜南橫大江東去

陳熾

平湖滿烟月誰補種四圍楊柳十里荷花

烟柳有情韶蕩春光風籟更催晨笛起

失名

水天無際澄鮮秋色月明遠共夜珠來

### 琵琶亭

聚散總前緣最相宜明月一船清風兩岸

萬象周

古今幾名士合共唱大江東去秋雁南來



燈影幢幢淒絕暗風吹夜雨  
荻花瑟瑟魂銷明月繞船時  
金眉生

吳城望湖亭

五夜樓船曾上孤亭聽鼓角  
一尊濁酒從來此地看湖山  
曾國藩

地以人傳溯自周郎習戰蘇子題詞仙吏將才千古各成奇  
迹

天留我住放教彭蠡風帆匡廬瀑布水光山色一時都入壯  
觀  
失名

戰艦列千軍想當年小喬夫婿破浪乘風多少雄姿英發今  
我戈船來繫迹弔古憑闌歎幾許事業興亡祇贏得殘灰劫  
火

湖天開一碧看此日大地山河落霞孤鶩無非活潑生機誰

家鐵笛暗飛聲悲歌擊筑把那些滄桑感慨暫付與芳草斜

陽  
彭玉唐

廬山絕頂

足下起祥雲到此者應帶幾分仙氣  
眼前無俗障坐定後宜生一點禪心  
李笠翁

百花洲

楓葉荻花秋瑟瑟  
閒雲潭影日悠悠  
阮元集句

小姑山

有美一人中夜聞五珠環珮  
遺世獨立下游起兩點金焦  
失名

瑞州鳳凰山東軒

天下幾人學杜甫  
當時四海一子由  
翁方綱

虎溪三笑亭

橋跨虎溪三教三源流三人三笑語  
蓮開僧舍一花一世界一葉一如來  
唐蝸寄



安慶大觀亭

倚檻蒼茫千古事  
過江多少六朝山

陶法

秋色滿東南自赤壁以來與客泛舟無此樂

李振鈞

大江流日夜問青蓮而後舉杯邀月更何人

跨太白樓之上駕瓦排雲倚畫檻一味鄉愁已漸近鍾阜晴

嵐六朝城郭

橫彭蠡江而西鷺濤堆雪喚沙鷗共談宦迹最難忘峨眉春

水萬里風帆汪思

鳳陽譙樓

王孫不歸芳草何曾歇

胡君復

城郭猶是白雲無盡時

相陰陽度原隰想前朝創業艱難只贏得陵寢盤空江淮帶  
郭黍離離滿目蕩山河伊何人斯頓傷心於青袍白馬

省刑罰薄稅斂沐當代深仁浩澤試看那閭閻撲地舸艦迷

津瑞藹藹一天新雨露登斯樓也豈徒觀乎綠樹紅雲

王漁洋

采石太白樓

江空欲聽水仙操

集太白句

紫微九重碧山萬里

吾輩此中惟飲酒

王有才

流水今日明月前身

先生在上莫題詩

公昔登臨想詩境滿懷酒杯在手

胡書農

我來依舊見青山對面明月當頭

文章聲價上下數千年祇有楚屈原漢曼倩晉陶淵明能鬢

髻一人胸次

奇談快語流連四五日豈惟牛渚月白紵雲青山烟雨都收

來百尺樓頭失名





金陵明中故邸

大江東去浪淘盡千古英雄閣樓外青山山外  
白雲何處是唐宮漢闕  
小苑春回鶯喚起一庭佳麗看池邊綠樹樹邊  
紅葉比中有舜日堯天 中山王

宋處士劉公罷釣灣

高閣明窗放眼奇峰千萬疊  
黃花白酒快心知己兩三人 失名

墩本屬劉公問當年處士遺蹤花落無言人已往  
山仍依蔣阜想此日草堂新建桃開應笑我重來 失名

莫愁湖勝棋樓

水如妝鏡山如黛  
雲想衣裳花想容 魏商集句

烟雨湖山六朝夢

范仕義  
黃葉一枰和月冷  
綠陰雙槩載春多 前名

英雄兒女一枰棋

柳影綠圍三畝宅

聯璧

武林源世外春色

程廷傑

藕花紅瘦半湖秋

寒山寺夜半鐘聲

花從繞郭開湖目

一種湖光比西子

龔孫枝

李松雲

天許看山到石頭

千秋樂府唱南朝

山色湖光都歸一覽

任他名利熱場臨湖亦淡

奎聯

姚濱臣

英雄兒女並豔千秋

到此清涼世界有句皆仙

國士難逢一代雲龍留勝蹟

范仕義

美人已去千秋海燕識芳名

世事如棋一着爭來千古業

麓山樵客

柔情似水幾時流盡六朝春

紅藕花開打槩人猶誇粉黛

黃翼升

朱門草沒登樓我自吊英雄

王者五百年湖山具有英雄氣

彭玉麐

春光二三月鶯花合是美人魂

江水東流淘盡了千古英雄兒女

沈鎰

石城西峙依舊是六朝烟雨樓臺

登斯樓也其喜洋洋把酒臨風忘寵辱

汪瀛

望美人兮予懷渺渺挾仙抱月侶漁樵

國手棋高喜局定平成六代江山還舊壤

王大經

樓頭酒煖看窗開卷畫一城烟雨入全湖

湖本無愁笑南朝迭起羣雄不及佳人獨步

雪巖居士

棋何能勝為北道誤投一子致教此局全輸

桃葉復桃根海燕鬱金香遺世佳人難再得

舊聯失名

西湖比西子流鶯楊柳曲凝粧少婦不知愁

占全湖綠水芙蓉勝國君臣棋一局

薛時雨

看終古雕梁玳瑁盧家庭院燕雙棲

了卻一局棋枰閱古來兒女英雄都從此老

瞿家鰲

說甚六朝風景看樓上湖光山色竟為誰新

人言為信我始欲愁子細思量風吹縐一池春水

黃漱蘭

勝固欣然敗亦可喜如何結局浪淘盡千古英雄

莫輕他北地燕支看畫艇初來江南兒女生顏色

王湘綺

儘消受六朝金粉只青山無恙春時桃李又芳菲

來遊凡幾不提防瓦礫場空回思畫意重重白酒黃花渾一

夢

報最何從且整頓湖山名勝留取泥痕點點殘棋剩粉亦千

秋 蒯德模

石城虎踞鐘阜龍蟠蒼莽狀奇觀猶想像英雄一局  
越西子湖蜀薛濤并古今留勝蹟問何如湖水千秋  
湘西漁隱

燕子磯永濟寺

松聲竹聲鐘磬聲聲聲自在  
山色水色烟霞色色色皆空  
失名

江水滔滔洗盡千秋人物看問雲野鶴萬念俱空說甚麼晉  
代衣冠吳宮花草

天風浩浩吹開大地塵氛倚片石危欄一闕獨閉更何須故  
人祿米隣舍園蔬僧題

蘇城滄浪亭

清風明月本無價  
集句  
短艇得魚撐月去  
小軒臨水為花開  
失名

四萬青錢明月清風今有價  
一雙白璧詩人名將古無傳  
齊梅麓

百花潭烟水同清年來畫本重摹香火因緣合以少陵配長

史

萬里流風波太險此處緇塵可濯林泉自在從知招隱勝遊  
仙失名

西子池

香水濯雲根奇石慣延樵觀客  
畫廊垂月地幽花曾照浣紗人  
劉文清

圓妙觀七星潭

千樹桃花萬年藥  
半潭秋水一房山  
集唐句

虎丘景李堂

一序證前游太白光芒神久在  
三章懷絕調牡丹時節我剛來  
彭春農

湧翠山莊

問獅峯底事回頭想頑石能靈不獨甘泉通法力  
為虎阜別開生面看遠山如畫翻憑劫火洗塵囂  
洪鈞

月駕軒眼  
梁代湖靈蹤有情應感滄桑幾輩復登山來挹清泉洗

吳宮微美實無恙尚留花草何人能說法再看頑石點  
頭前名

真娘墓  
香草美人憐千古豔名齊小小  
茅亭花影宿一泓清味問慙慙  
失名

唐六如墓  
在昔唐衢常痛哭  
祇今宋玉與招魂  
韓奕

海州雲臺山  
世外憑臨一面峯密三面海  
雲中結構二分人力八分天  
常建極

海甸湧名山烟復雲回位業真靈參五嶽  
洞天開福地陽舒陰雲馨香瑞應啟三元  
陶雲汀

江陰吳季札墓  
星斗芒寒君子墓  
風雷靈護聖人碑  
失名


焦山夕陽樓  
夕陽無限好  
高處不勝寒  
集句  
江流石不轉  
雲在意俱遲  
周學微

松寥閣  
月色如畫  
江流有聲  
陳恪勤  
龕收江海氣  
碑出魚龍淵  
伊墨卿

自然菴  
山光撲面經新雨  
江水回頭為晚潮  
鄭板橋  
汲來江水烹新茗  
買盡青山當畫屏  
前名

金山江天一覽亭  
天鏡照晴空謫仙去後來坡老  
石鐘留勝迹小姑依舊對彭郎  
潘蔚

七峯閣  
溪雲初起日沈閣  
山雨欲來風滿樓  
集句



揚州二十四橋

勝地據淮南看雲影當空與水平分秋一色  
扁舟過橋下聞簫聲何處有風吹到月三更

江湘嵐

集賢樓

桃花潭水深千尺  
明月揚州第一樓

集句

東城樓

風月天高樓臺地迴  
雲霞海曙梅柳江春

洪梧

南城樓

東閣聯吟有客憶千秋詞賦  
南樓縱目此間對六代江山

前名

北固山多景樓

天與雄區欲游目騁懷一層更上  
地因多景喜山光水色四望皆通

李蘭卿

形勢拓南徐對秣陵樹色瓜步江光何處平分吳

江東勝概樓

楚畫圖開北固有米志庵存衛公塔在依然映帶金

焦曾承顯

清江浦荷芳書屋

大隱寄淮壖十畝芳塘涵德水  
高懷擬綠野滿園花木繡春風

錢梅溪

潁野關豐樂橋

水遠天長萬古川原連泰濟  
年豐人樂四時風景勝滁陽

齊梅麓

江陰君山

此水自當兵十萬  
昔人曾有客三千

失名

上海豫園湖心亭

野烟千疊石在水  
漁唱一聲人過橋

陶雲汀

三穗堂

此即濠閒非我非魚皆幻境  
怡來海上在山在水有遺音

前名



一笠亭

游目騁懷此地有崇山峻嶺  
仰觀俯察是日也天朗氣清

集蘭亭序

無錫九龍山黃埠墩

燈火春星浮北郭  
雲霞朝景攬西神

孫平叔

萬頃堂

天浮一龜出  
山挾萬龍趨

孫叔芳

梅園

樹木十年此地合名小香雪  
太湖萬頃浮生直欲老烟波

孫北萱

歷長廣溪曲曲清流一水迴環入室又通香雪海  
與東西山遙遙對峙片帆時渡滿船合載洞庭春

華文川

西湖靈隱山

龍澗風迴萬壑松濤連海氣  
鷲峯雲斂千年桂月印湖光

趙孟頫

冷泉亭

泉聲咽危石  
日色冷青松

集句

泉自幾時冷起

董香光

峯從何處飛來

太佛寺沁雪亭

沁雪貯寒泉一片清虛照徹大千世界  
開山成寶相十分圖滿想見丈六金身

失名

鞠光

樓觀滄海日  
門對浙江潮

舊句

天竺

佛亦愛臨安法象自六朝留住  
山皆學靈鷲洛迦從南海飛來

張岱

雷峯保叔二塔

雷峯如老衲  
寶石似美人

聞子將



孤山巢居閣

山冷好教梅似續  
巢深應有鶴歸來

方應論

梅鶴寄高閣遺索千秋笑司馬

朱上林

湖山寫清冷寒泉一掬拜坡仙

梅亭

世無遺草真能隱  
山有名花轉不孤

林則徐

烟霞洞

倘他日蠟屐重來須記取  
山中松徑攜一片紅雲歸去莫錯認  
世外桃源

失名

蘇小墓

梅花流水杳然去  
油壁香車不再逢

失名

湖山此地曾埋玉  
花月其人可鑄金

集句

鴛鴦湖烟雨樓

讀竹垞歌雨所漁莊蟹舍  
記梅村曲扁舟揚柳桃花

許雪門

小別西湖恰來此地看烟雨

郭意城

相逢南浦同上高樓話水雲

嘉興木覺寺空翠亭

惟唐代二幢是我眉山  
人未過前屋此壁上三律  
乃空翠亭僧初夢時詩

阮元

永嘉東山張園池樓

面壁拓幽居一角永嘉好山水  
築樓存古意千秋康樂舊池塘

梁章鉅

紹興蓬萊閣

桑拓幾家湖上社  
芙蓉十里水邊城

集句

八百里湖山知是何年圖畫

失名

十萬家烟火盡歸此處樓臺

爐峰石屋

花雨欲隨巖翠落  
松風遙傍洞雲寒

錢于謙



天台萬年寺

露氣春林月華秋水  
晴光淑景芳草遠山

湯金釧

身比閒雲月影溪光堪證性

王族

心同流水松聲竹色共忘機

上方廣寺

以眾華為物事  
作雙樹之道場

阮元

四山滴翠環初地  
一路聽泉到上方

朱倫翰

身似菩提心似鏡

錢大昕

雲在青天水在瓶

閩中蘇嶺

雲石江將疑字新  
風簫嶺若誤髯蘇

朱筠

福州羅星塔

朝朝朝朝朝朝夕  
長長長長長長消

舊聯謂潮汐長消也

鼓山湧泉寺

於一毫端現實王刹  
坐微塵裏轉大法輪

失名

鼓山喝水崖

爵比郭令公歷中書二十四考  
壽同廣成子往崆峒千三百年

失名

武夷天游峯一覽臺

遺世獨立  
與天為徒

失名

世間有石皆奴僕  
天下無山可弟兄

毛大周

小桃源徑口

喜無樵子復看弈  
怕有漁郎來問津

集句

邵武郡中詩話樓

隱釣風分七里瀨  
品詩意到六朝人

朱筠

祠廟





京師孔廟

氣備四時與天地日月鬼神合其德  
教垂萬世繼堯舜禹湯文武作之師

清高宗

鄒縣孟廟

戰國風趨下  
斯文日再中

黃野鴻

尊王言必稱堯舜

清高宗

孔門功冠三千士

田寶發

憂世心同切孔顏

周室生當五百年

大梁孟廟

千里而來何必曰利亦有仁義而已矣  
百世之下莫不興起况於親炙之者乎

失名

曾子祠

行一人忠恕之心傳學惟者貫  
開萬世治平之事業道極明新

失名

述格致誠正脩齊治平之傳萬世咸承厥訓

失名

超德行言語政事文學而外一人獨得其宗

濟寧仲氏祠

允矣聖人之徒聞善則行聞過則喜  
大哉夫子之勇見危必拯見義必為

失名

高古子路寺

到此便為浮海客  
於今誰是問津人

失名

衛輝端木子祠

性道在文章深造自得  
廉平稱治績遺愛無窮

失名

潞安神農廟

粒我蒸民使有菽粟如水火  
播時百穀先知稼穡之艱難

失名

吳山倉聖廟

一畫本天開破上古洪荒草昧無須繩更結  
六書隨世換發後人摹寫英雄未免筆難投

彭玉磨

履武生聖神吞卵亦生聖神須知大聖大神赤帝母儀

堯母廟

堯萬古

子婦為皇后女孫並為皇后終讓太皇太后丹陵慈蔭

詳註分類楹聯集成 祠廟 會文堂書局印行

被中天 吳小巖

稷母元妃生周絕奇高母次妃生商又絕奇伊一家難兄難弟齊著神靈還不如母德光天十四月懷胎造化

女皇貴后子朱不肖英皇並后子均亦不肖歷兩朝此舅此甥終慚聖善須記取皇陵片土億萬年俎豆馨香 前名

堯廟 頌紀華封多福多壽多男子 前名

美觀堯典乃武乃文乃聖神

大哉為君舉禹稷高皋益以水官土官木官金官火官時亮天功功歸元首

粵若稽古歷虞夏商周秦而西漢東漢南漢北漢蜀漢皆承帝祚祚錫萬年 前名

歷山聖廟 高山仰止景行行止 失名

卿雲爛兮紉縵縵兮

禹廟 績奠九州垂萬世 清高宗

統承二帝首三王

三過其門虛度辛壬癸甲

失名

八年於外平成河漢江淮

清江浦禹王臺 洪水奠當年億萬家飯美魚香如依夏屋 麟見亭

清時思儉德千百世永勤沐澤共樂春臺

違親不孝背君不忠敢辭瘴雨蠻烟採藥當年心

最苦

蘇州泰伯廟 傳季而王偕仲而霸豈意吳頭楚尾瓣香到處德

維新 失名

無錫泰伯墓

至德無稱三讓兩家天下  
高山可仰一坏萬古江南

齊梅麓

太似祠

德並高禔猶眾之母  
慈同大士則百斯男

失名

甘肅文王廟

蒙難觀文石徑蒺藜皆卦象  
拘幽作操雲田柞棧亦琴材

吳鎮

首陽山夷齊廟

幾根傲骨頭撐持天地  
兩箇餓肚腹包羅古今

失名

永平夷齊廟

兄讓弟弟讓兄父命天倫千古重  
聖稱賢賢稱聖頑廉懦立百世師

失名

沁州綿山介之推祠

主辱臣憂當在外從亡一飯已經肝胆碎  
功成身退問諸君食祿千秋留得姓名無

王執中

汴省信陵君祠

有史公作傳如生愛客若君真令讀者慷慨悲  
歌不已  
其門館風流未謝於今視昔問誰能拔抑塞磊  
落之才許仙屏

嶽麓三閭大夫祠

何處招魂香草還生三戶地  
當年呵壁清湘應識九歌心

秦瀛

伍公廟

生全孝死全忠拚此身報答君親忍辱含冤志士仁人  
今感泣

朝在潮夕在汐憑浩氣流行江海禦災捍患吳山越水

古英靈 清高宗

陶朱公祠

半畝此迎神越國江山留壟斷  
五湖長浪迹吳宮花草入扁舟

郭世欽



介休韓信廟 西望關中百戰十年空烏兔 揚聽臚

北臨綿上千秋一例感龍蛇

留侯廟 從龍逐鹿雨茫然我思妙用無方何害英雄同兒女 劉子迎

黃石赤松皆戲耳獨怪善全有術不遭烹醢即神仙

長沙屈賈二公祠 親不負楚疏不負梁愛國忠君真氣節 左杏莊

騷可為經策可為史經天行地大文章

陝西蘇武廟 三千里持節孤臣雪窖冰天半世歸來羸屬國 馬以貞

十九年託身異域韋韞毳幕幾人到此悔封侯

廣西伏波廟 銅柱鎮為飛顧盼生風意氣真能吞浪泊 余應松

金門留馬式男兒報國姓名何必與雲臺

上虞虞姬廟 今尚祀虞東漢已無高后廟 倪元璐

斯真霸越西施羞上范蠡船

浙江曹娥廟 事父未能入廟欽誠皆末節 徐文長

悅親有道見吾不拜也何妨

富春嚴子陵祠 大漢千古 先生一人 失名

揚州華陀廟 元龍幣聘以來澤被廣陵到此日青囊未燼 失名

孟德頭顱安在烟消漳水讓先生碧血常新

大儒以胞與為懷小數得名莫非術耳 失名

漢室有腹心之患神針莫救豈非天哉

武侯祠 興亡天定三分局 已知天定三分鼎 失名

古今人思五丈原 猶竭人謀六出師

自任以天下之重如此 義膽忠肝六經以來二表 失名

是知其不可而為之與 集句 託孤寄命三代而後一人 失名



可託六尺之孤可寄百里之命君子人與君子人也  
隱居以求其志行義以達其道吾聞其語吾見其人  
集句

周公瑾祠 大帝君臣同骨肉  
小喬夫婿是英雄 失名

顧曲有閒情不礙破曹真事業  
飲醇原雅量偏憐生亮並英雄 失名

落鳳坡龐靖侯祠 造物忌多才龍鳳豈容歸一室  
先生如不死江山未必許三分 失名

洛陽關公葬元處 蓋世英雄歸聖域  
終天愁恨繞神州 汪丙中

關帝廟 怨同文武 吳宮花草埋幽徑  
志在春秋 宋權 魏國山河半夕陽 失名

九伐威名襄夏政 知我者其惟春秋乎 集句

千秋正統懍春王 失名 乃所願則學孔子也 集句

先武穆而王大漢千古大宋千古 失名

後文宣而聖山東一人山西一人 失名

王業不偏安拒操和權諸葛猶非知己 失名

春秋大一統寇魏帝蜀紫陽乃許同心 失名

聖以武成名剛毅近仁於清任時和中更成一席 失名

學千古有獲春秋卒業在詩書易禮外別有專經 失名

巫山關帝廟 山勢西來猶擁蜀 失名

江聲東下欲吞吳 失名

荆州形勢即中原得之則進取易失之則退守難

天意蒼茫莫怪公猶立馬

荆州關帝廟 壯武大名垂宇宙生不為曹氏臣死不作孫家妾

人心維繫遂令我欲登龍 失名

西湖關帝廟 德必有隣把臂呼岳家父子  
忠能擇主鼎足定漢室君臣  
失名

如孟之剛氣配義道 許太眉  
繼孔而聖志在春秋

江南關帝廟 此吳地也試問孫郎有廟否  
今帝號矣何煩曹氏封侯乎  
失名

汝州關帝廟 荒草  
輶車遵汝水使者家居若雲願與故鄉父老同拜  
靈旗俞蔭甫

蜀中姜伯約祠 九伐竟無成心師武侯能繼祁山六出志  
三分不可恃計誅鄧艾已復陰平一敗仇  
失名

石首縣 昭烈帝 合祠 錦繡江山半壁雄心敵吳魏  
風雲兒女千秋佳話掩甘糜  
失名

蠓蟻孫夫人祠 思親淚落吳江冷  
望帝魂歸蜀道難  
徐文長

空山蘋藻祠靈澤 揚慶環  
故國松楸夢惠陵

立廟永馨香看眼前大好山河浩劫難磨生氣

宜興周孝侯廟 在  
登堂問馨歎有世上未除蛟虎先型仰企抱慚

多周家楮

朝有奸黨豈能成將帥之功若教仗鉞專征蛟虎猶非對敵  
手  
世無聖人不當在弟子之列誰信讀書折節機雲留作抗顏  
師齊梅麓

桃源縣陶靖節祠 先生豈必因桃源而重 蔡紹襄  
此地固應較栗里為佳

京師韓文公祠 起八代衰自昔文章尊北斗 式善  
興四門學即今俎豆重東膠

潮州韓文公祠 天意起斯文不是一封書安得先生到此 失名  
人心歸正道只須八個月至今百世師之

江州白公祠 楓葉四絃秋振觸天涯遷謫恨 失名  
潯陽千尺水句留江上別離情

浙江白公祠 但是人家有遺愛 阮元集白公句  
曾將詩句結風流


虎丘白公祠 唐代論詩人李杜以還惟有幾篇新樂府 賀長齡  
蘇州懷刺史湖山之曲尚留三畝舊祠堂

西湖陸宣公祠 兩廡薦馨香咸欽名相謨猷大儒學問 富海帆  
六橋攬風月猶似川雲宦績烟雨家鄉

張睢陽廟 郭李 男兒死耳又奚言若論唐室元勳四百載功名豈輸  
父老談之猶動色但願揚州都督億萬年魂魄永鎮

江淮黃淑蘭

烟寒城闌雀鼠羅空率疲卒捍強氛盡力守巖疆宜身後血  
食千秋氣塞區中名不朽



日煖旌旗龍蛇影動薦馨香合絃管歡誠輸里社想生前賢  
軀七尺威驚麾下望如神迴瀾閣主

抗節濟事艱論當年守禦聲威實先郭汾陽李臨

江陰睢陽廟

淮功成廟社

顯忠關世教攷茲土丞嘗舊典當與伍子胥陳武

烈氣壯湖山失名

天地風塵古廟丹青今幾劫

失名

無錫睢陽廟

江淮俎豆空山鼠雀亦千秋

潮州張許雙忠祠

國士無雙雙國士

失名

忠臣不二二忠臣

武則天廟

六宮粉黛無顏色

集句

萬國衣冠拜冕旒

錢唐錢武肅王廟

啟匣尚存歸國詔

劉文清

解鞍時拂射潮弓

華山陳希夷廟

天下太平無一事

張英

山中高卧有千秋

功在生民惜傳聞異辭信史尚留曲筆

喬孫某

德垂奕禩悵播遷中葉支流莫溯真源

力能分土提鄉兵殺宏誅昌一十四州鷄犬桑麻撐住東南

半壁

志在順天扶幼主迎周歸宋九十八年象犀筐篚混同吳越

一家張岱

西湖朱文公祠

由孔孟而來二千年衛道傳經獨振斯文統緒

朱文正

當光寧之世五十日格非陳善允宜此地丞嘗





眉川三蘇祠

一門父子三詞客  
千古文章八大家

張鵬翔

西湖東坡先生祠

欲共水仙薦秋菊  
長流學士住西湖

阮元

沈上偶然留指爪

華秋槎集蘇句

故鄉無此好湖山

奈宋運衰何倘竟能恢復壯猷真成元祐匡時相  
非長公志也不得已出其餘緒猶是文章大作家

失名

黃州東坡先生祠

花那得比清幽山水

五年間謫宦樓連試較量惠州麥飯儋耳蠻  
三蘇中天才獨絕若論東坡八詩赤壁兩賦

還是公游戲文章

張之洞

廣西黃山谷祠

忠孝振剛常黨籍編名氣節宛如東漢  
文章垂宇宙詩家衍派門庭別啟西江

查儉堂

載酒為公來率儒服儒冠仍是舊開詩屋宴

李蘭卿

舊居無地住占宜山宜水卻教長祭墨池田

後尼山千五百年篤生兩先生闢邪說辨異端道統

天開正所以下啟紫陽上承鄒嶧

環蘇臺數十萬戶過此一瞻拜黜浮華崇實學士風

日起庶不愧言游故里太伯遺封俞蔭甫

范文正公祠

兵甲富於胸中一代功名高宋室  
憂樂關乎天下千秋俎豆重蘇臺

宋漫堂

岳武穆廟

千秋冤獄莫須有  
百戰忠魂歸去來

吳芳培

吳興岳廟

矯矯孤忠雖死不忘瞻北闕  
森森古木至今猶表向南枝

失名

湯陰岳廟

凜凜生氣  
悠悠蒼天

失名

西湖岳廟

青山有幸埋忠骨  
白鐵無辜鑄佞臣

松江女史

文信國公祠

久要不忘平生之言古誼若龜鑑忠肝若鐵石  
敢問何謂浩然之氣鎮地為河嶽麗天為日星

失名

文正學祠

管仲不為十族慘於真名忽  
成王安在一言愧煞假周公

李桐

于少保祠

千古痛錢唐並楚國孤臣白馬江邊怒捲千堆雪浪  
兩朝冤少保同岳家父子夕陽亭裏心傷兩地風波

楊鶴子

楊忠愍祠

三疏流傳枷鎖當年稱義士  
一官歸去錦衣此日愧先生

江春霖

史閣部祠

生有自來文信國  
死而後已武鄉侯

失名

死含瑤草千秋恨  
魂傍梅花萬古香

失名

數點梅花三國淚

失名

佩鄂國至言不愛錢不惜死  
與文山比烈曰取義曰成仁

陳榕門

二分明月老臣心

心痛鼎湖龍一寸江山雙血淚

魂歸華表鶴二分明月萬梅花

蔣心餘

鄭成功祠

由秀才封王為天下讀書人別開生面  
驅異族出境語中國有志者再鼓雄風

唐景崧

開千古得未曾有之奇洪荒留此山川作遺民世界  
極一身無可如何之遇缺陷還諸天地成創格完人

沈葆楨



紹興三江湯太守祠

煉石補星辰兩月成功當萬曆續禹之緒  
鑿山振河海千秋遺蹟著三江于湯有光  
徐文長

朱舜水先生祠

宋季多孤臣文山疊山長留一脈  
越東感氣節蒼水舜水各有千秋  
劉葆良

西湖蔣果敏祠

萬家猶是祝生佛  
一日何可無此君  
失名

又劉果敏祠

橫笛一聲延西冷十二橋明月  
登樓長嘯和鳳林八百杵鐘聲  
失名

又左文襄公祠

高志局四海  
英名擅八區  
集句

又彭剛直祠

南嶽西冷大地茅廬兩個  
吳頭楚尾中流砥柱一人  
高鵬年

又張勤果祠

南北兩名湖都憑我公留片壤  
東西隣浙水偏令賤子仰高風  
湯壽潛

上海李文忠祠

一代汾陽事業  
千秋丞相祠堂  
花侍曾

開封二曾祠

生申甫以中興家有白眉兄識弟  
萃鄧馮於同產我觀青史古無倫  
長祿

徐許袁三忠祠

未寒淺土黃沙正氣竟埋燕市血  
與立尚書聯閣學同罹北寺奇冤痛篋中諫草  
配岳鄂王子少保一例西湖廟食望天半靈旗  
來下雲車風馬忠魂長咽浙江潮  
劉葆良

徐錫麟烈士祠

登百尺樓看大好江山天若有情應識四方思猛士  
留一坏土以爭光日月人惟不死獨將千古讓先生  
失名

陶煥卿烈士祠

慶烈士歸魂如此湖山憑管領  
為國民流血何須身世問恩仇

越報社

東嶽廟

帝出乎震  
人生於寅

失名

雲行雨施不崇朝而徧天下  
理大物博祖陽氣之發東方

繆昌期

文昌宮

天惟陰鶻下民止於孝止於敬  
帝乃誕敷文德作之君作之師

失名

魁星閣

是何意能雄且傑  
不露文章世已驚

集句

城隍廟

百行孝為先論心不論事論事貧家無孝子  
萬惡淫為首論事不論心論心終古少完人

失名

財神廟

無以為寶惟善以為寶則財恒足矣  
義然後取人不厭其取又從而招之

俞蔭甫

真武廟

逞披髮仗劍威風仙佛焉耳矣  
有降龍伏虎手段龜蛇云乎哉

蘇軾

地藏殿

於諸佛中出一頭地  
是造物者之無盡藏

失名

彌勒殿

大肚能容了卻人間多少事  
滿腔歡喜笑開天下古今愁

吳藹如

日日攜空布袋少米無錢卻刺得大肚寬懷不知眾檀越信  
心時用何物供養

年年坐冷山門接張待李總見他歡天喜地請問這頭陀得  
意處是甚麼東西失名

觀音大士祠

法雲廣蔭無遮會  
慧日高懸有相天

失名

泡影乾坤粧成寶相  
色香世界幻出空花

失名



真實不虛大慈悲度一切苦厄  
張芥航

意識無界空色相現五色光明  
音亦可觀方算聰明無二用  
失名

佛可稱士須知儒釋有同源  
失名

千手千眼觀音  
菩提今菩提具大神通忽現千般手眼  
張維屏

即色即空現慈悲相吾無隱爾  
失名

是萬是一具手眼人自能辨之  
失名

送子觀音院  
白衣仙人瓶中水楊柳  
魏成憲

朱芾男子天上石麒麟  
魏成憲

我費盡一片婆心抱個孩兒送汝  
失名

你須做百般好事留些陰騭與他  
失名

大德曰生願眾生生生不已  
余菊農

至誠無息求嗣息息相通  
縱使有錢難買命  
須知無藥可醫貧  
失名

藥王廟合祀財神  
花暖青牛卧  
失名

山空碧水清  
失名

老君祠  
神無方徹上徹下  
祖有訓與知與能  
失名

龍王廟  
宗臣遺像肅清高在地成形在天成象  
龍興源

山川出雲作霖雨有仙則名有龍則靈

天后宮  
度出眾生不學佛  
恩加四海直同天  
巖村

詳註分類楹聯集成  
祠廟  
會文堂書局印行

雷祖殿

造物董生成須知雷霆雨露無非教  
畏威祇愚下猶當戒慎恐懼所不聞

朱先敏

元真子祠

泛鏡水千盃歸來餐菰飯羹羹地真仙境  
聽棹歌一曲隨處有荻花楓葉我亦漁人

失名

海神廟

揚柳風來潮未落  
梧桐葉落雁初飛

集句

花神廟

翠翠紅紅處處鶯鶯燕燕  
風風雨雨年年暮暮朝朝

失名

五百年為園主人高臺曲池點綴江城如畫裏

失名

十二月催花使者和風甘雨氤氳香國得春多

海棠開後燕子來時良辰美景奈何天芳草地我醉欲眠疎  
花風爾且漫到

碧澥傾春黃金買夜寒食清明都過了杜鵑道不如歸去流

鶯說少住還佳許太眉

痘神廟

種果在前生願斯世無災無害  
拈花參妙諦惟爾神能發能收

曾國藩

到此日方辨妍媸更向洪濛開面目

失名

過這關纔算兒女還從祖父種根苗

人為物之靈此一點根苗灌養全憑功德水  
神錫汝以福有三分善果勻圓早放吉祥花

徐芝田

月老殿

願天下有情人都成了眷屬  
是前生注定事莫錯過姻緣

顧恒

葛仙祠

履烏化雙禽馭氣排風仙蹤共仰羅浮燕  
冠裳施五采烘雲託月瑞色常標句漏砂

失名

風神廟

律協靜條鳴試看豹駕螭驂作雨成霖都成清景  
化行知草偃聽罷胡笳羌笛阜財解愠更譜虞琴

左宗棠

金龍四大王廟

志節慕睢陽夏國讀書尚記金龍山在  
英靈同伍相飛芻輓粟正須白馬潮來

齊梅麓

社神廟

神靈哉不成自畏  
公老矣有德而尊

失名

鄉里鼓兒鄉里打

到處雲山到處佛

鄭板橋

集聯

當坊土地當坊靈

當坊土地當坊靈

顏氏祠堂

馨香分郭外之田夕膳晨饘詎敢作拾塵野祭  
展拜守家中之訓左昭右穆何須繙爭坐名書

吳信辰

樊氏祠堂

薄稼圃而不為宜善會先賢之意  
敬鬼神而仍遠當恪遵乃祖所聞

失名

趙氏祠堂

雖有周親不如我同姓  
誰謂宋遠率乃祖攸行

趙粹甫

張氏祠堂

鼻祖肇青陽公侯將相神仙代光國史  
太宗開白馬孝友忠良道學世篤家風

失名

吳氏祠堂

至德啟雲初三讓兩家天下  
大宗繇雪偃千秋一脈江南

許太眉

郭氏祠堂

前朝名吏以素知兵繫中州安危宣止六壬淺術  
今代德門惟陰行善使累葉繁盛更多三甲壽徵

吳執甫

李氏祠堂

才足挽宋室不南孤忠具見望溪集  
澤猶綿震湖以北後裔長依冠嶂峰

許太眉

陳氏祠堂

祖宗忠厚遺留由來遠矣  
歲時丞嘗祭享可不敬乎

吳執甫

湯氏祠堂

此地有良田美池桑竹之屬  
其故家遺俗流風善政猶存

湯壽潛集句

花塢春長烟火千家都入畫

前名

桃源路近桑麻十里盡成陰

任氏祠堂

數典重先封問周宗既滅以還誰為庶姓  
降靈符列宿自漢室中興而後代有傳人

劉清弼

于氏祠堂

老屋付東流祇剩兩三星火  
新居依北固平分左右金焦

蔡逢年

路氏祠堂

近汶上遠內黃氣鍾玉女銅峰從此奠安宏行緒  
漢將軍唐宰相書讀緩刑尚德祇期忠厚永傳家

徐芝田

沂家學以紫陽白鹿為宗若論顯揚何必數東漢科

黎氏祠堂

中千八百室子弟

登茲堂發春露秋霜之感是誰瞻拜獨無慚南安遷  
後二十一傳賢孫 田東谿

學校

武昌武備學校

執干戈以衛社稷  
說禮樂而敦詩書

張之洞

長沙時務學校

三古遺規重庠序  
九州奇變說山河

失名

常德師範學校

師曠之聰公輸之巧  
範圍不過曲成不遺

集句

南通師範學校

言有壇宇行有坊表學成師範  
正其衣冠尊其瞻視堂脩禮容

失名





又附設博物院

設為庠序學校以教  
多識鳥獸草木之名

澧縣組武女子學校

九十二株柳為幕  
一百八聲鐘到門

田東谿

大湖東西澧浦與岳陽對峙

前名

小范憂樂英雄要兒女平分

余以幼孤旅寓申江自傷老大無成有類夜

行思秉燭

上海澄衷蒙學校

今為童蒙特開講舍所望暨年志學一般努

力惜分陰 劉葆良代

不從文行忠信上實究師承即日朝參

杭州安定中學禮堂

亦羞皮傳

須識亞歐非美中特此宗教能時時夢見

方算學人小冲

又教員室

坐中多教育圖書秋日春風退講間諸安定史

前名

夢想通學生惟命一州三縣陶成誰是福翁才

從政需才實業需智聽課鐘一聲小草高材同雨

陝州中學校

露

秦嶺以下號州以上通河流千里龍游鯤化起風

雷前名

昔為試院今作學堂虛實悟原因喜從茲陝靈閣盧皆雅有  
國民陶鑄

大畧能通專門可造中西應並進道不論士農工賈無降此



人格精神 前名

龍潭小學校

龍得雲斯靈道在通權達變  
潭之水不涸學須窮委究源

悔公

零陽小學校

零氣東環羣流并納  
陽迤南倚千仞獨高

巖村

廨宇

政事堂

溺猶已溺飢猶已飢願九部衮衮諸公同擔大任  
視曰民視聽曰民聽念五族喁喁望治誰秉國鈞

外交部

交隣國有道乎言忠信行篤敬  
夫行人之職也以玉帛化干戈

內務部

內政脩明民資保障  
官有澄叙國有紀綱

教育部

衛道尊經欲挽世風先存國粹  
興養立教既開民智兼正人心

司法部

操全國最高法權邁種之才惟明克允  
參中外普通律意持身有度無頗不平

陸軍部

中軍紀律嚴霜雪  
上將旌旗動日星

海軍部

投筆以從乘長風破萬里浪  
鼓輪而出觀海日照三神山

參謀部

銘勒鼎鐘折衝樽俎  
運籌帷幄決勝疆場

財政部

制國用必通三十年方克有濟  
借外債常逾十萬磅何術籌還



農商部

立國重農桑通商惠工普利民生恢政策  
植基法歐美圖強致富振興實業濟時艱

平政院

秉鑑懸衡傲於有位  
整綱飭紀慎爾在公

國史館

幸有良才存直筆  
好將信史壽名山

以上俱失名

莫尋仇莫負氣莫聽教唆到此地費心費力費錢就

勝人終累己

河南法院

要酌理要揆情要度時世做這官不清不勤不慎易

造孽難欺天失名

岳州審判廳

法意比門外洞庭尤深惟孟德著書庶幾知者  
民情去階前春草不遠寧皋陶為士始足仁之

悔公

山東前提法司署

晏嬰齊仁人一言而溥天下利  
孔子魯司寇無訟當為百世師

失名

山東蓬萊縣署

如入山陰道  
記吾邑卧龍有閣亦號蓬萊衙罷試登臨望鄉  
看此間嘘蜃成樓別開世界仙緣欣邂逅禱海

無煩坡老文湯壽潛代胡某作

蘇省常州縣署

人苦不自知幸得日日報章時時聞過  
弊去其太甚何必紛紛空論事事更新

失名

某省縣署

最防官折兒孫福  
難副人稱父母名

失名

四野桑麻不羨河陽花作縣  
一腔冰雪偏令寒谷黍知春

失名

甘肅慶陽縣署

官本親民願以共和宣父老  
位膺司牧期將幸福溥閭閻

失名

堂舊近生春願斯民熙熙共登撫序不分陰陽

湖北廣濟縣署

曆  
日長逢獻歲正闔邑喁喁望治救時有愧古今

人萍客

廣生無術濟眾無能偏教承之一隅舊治攸承慚舊德

前名

國有與存民有餘立剛到下車三月新硯初試值新年

歲且更始民與維新歷七載共和相期梅浦清流水波不興

長紀念

愛國有旗納民于軌際四方多難差幸橫崗高峙山光無恙

舊年華 前名

武穴警察署

警於有眾  
察其所安

程光啟

某省宙賓館

自分愧非偃室  
相逢幸是澹臺

失名

漢口官布局

經綸天下  
衣被蒼生

張之洞

又麻局

布衣興國

前名

漢陽兵工廠

青霜武庫

前名

江漢銅元局

岷山導江壻冢導漢  
陰陽為炭天地為爐

前名

詳註分類極聯集成

麻宇

會文堂書局印行

又銀圓局 楚國以為寶 前名

天用莫如龍

又輪船局 中流擊楫 失名

獅子巖礦務局 要累黃金高北斗 悔公

黔縣西遞郵政局 故鞭赭石湘南山 速於置郵道在邇 味馨

又自治局 中古啟良規試推廣族黨範圍共盡地方公益 味香

東隣資考鏡適轉合町村制度宏開憲政前途 數百兆人民皆嬰孩焉厥事雖微為國家彌無量

稽判育嬰堂 缺陷 二十三行省直稽判耳寸心漸廣即天地亦共此

生成小冲

安徽育嬰堂

父兮生母兮鞠俾無父母有父母此謂民父母 子言似孫言續視猶子孫即子孫以保我子孫 陶雲汀

某省育嬰堂


子不子亦各言其子委而棄之是可忍也孰不可忍也先王斯有不忍人之政 幼吾幼以及人之幼比而同之有以異乎曰無以異也大人不失其赤子之心 集句

泰州清節堂

任恤重周官集一方秉總餘資門題行義 併幪同夏屋完幾輩冰霜苦節臺築懷清 曹良甫

京師普濟堂

但覺眼前生意滿 須知世上苦人多 姚文然



加意減租徭十二村中爾宅爾田保汝兒孫常

武緣縣勸農亭

足食 赴功煩版築三百里外某山某水守吾條約即

良民 失名

雍睦八家同能服先疇頗有鄉風安吉處

失名

畬蓄三歲始永除後患斷無地角累升科

萬二千家為鄉看水田再熟洫路交流到處爭留

吾所憇

賓州勸農亭

三百六句成歲憶春晚觀風秋晴喜雨連年頻與

爾相親 失名

地利極膏腴十萬山近繞澄江今年喜雨足田

上林縣勸農亭

肥人和歲稔 邊情須體察三百里親來行縣到處得興農課

士問俗觀風 失名

京師通州會館

百五春歸三五月 九重天散萬重花 失名

此地笙歌恰當韋曲城南去天尺五

失名

吾儕觴詠猶是越王臺畔明月三分

又湖南會館

玉界瓊田三萬頃 泥金神籙五千年 王湘綺

又湖廣會館

江山萬里橫天下 杞梓千程貢上都 左宗棠

又吳江會館

來看上苑鶯花今日幸同良會 記省松陵文獻他年得似何人 陸燿

詳註分類楹聯集成 會文堂書局印行



又浙紹鄉祠 鑑湖八百里望氣遙來書入帝城雲物 君子六千人聞風興起勗成王國賢材 失名

又安徽會館 依然平地樓臺往事無忘宣榭警 猶值來朝車馬清時喜賦柏梁篇 李鴻章

又桐城會館 先輩聲名滿天下 後來興起望吾曹 失名

金陵湖南會館 地仍虎踞龍蟠洗滌江山重開賓館 人似澧蘭沅芷招邀賢俊同結鄉關 曾國藩

汎洞庭湖八百里秋波挂席來遊三楚風濤攜袖底 邀太白樓一千年明月憑欄遠眺六朝烟景落樽前 吳擘甫  
棟梁萃杞梓榷楠帶來衡嶽春雲蔭留吳地 彭玉麈  
支派沅沔湘資澧分得洞庭秋月照澈秦淮

勝蹟冠吳中有梅村詩句衡山畫圖坐對茶花思

又奉直會館 往事 名流來日下是豐沛故家金張貴姓好憑酒盞話 昇平 俞蔭甫

遊宦到錢唐飲水思源喜兩浙東西與歛浦江

杭州安徽會館 流相接 鍾靈自瀟嶽登高望遠問雙峯南北比皖公山

色如何 前名

安得廣廈千萬間庇天下寒士 李鴻章

願與吾黨二三子稱鄉里善人

福建湖南會館 甌浙越梅循海國仍持使者節 隴秦指疏勒榕園還作古鄉看 左宗棠

詳註分類楹聯集成 卷四 解字 四十六 會文堂書局印行



又奉直會館

如此湖山退食偶來堪敵詠

周彥昇

皖省湖南會館

念是邦羈宦窮年山水有緣他日可能留姓氏

毛俊臣

陝西湖廣會館

百二關河十年征戍  
八千子弟九塞聲名

左宗棠

又湖南會館

惟楚有材  
于幽斯館

集句

川省江南會館

地勢據上游遙遙控滇黔秦隴切盼銷兵天府  
稱雄此邦不亞江南好  
黃華來益部歷歷諮民物山川壯懷叱馭錦城  
云樂吾輩休歌蜀道難 程伯敷

鎮江江西會館

座中多是故鄉人喜一榻茶烟好同話南浦朝  
雲西山暮雨  
江上別開名勝地近二分明月試憑眺東流雪  
浪北固烟霞 失名

湖北湖南會館

大江東去  
吾道南來 失名

又漢鎮湖南會館

千載此樓芳草晴川曾見仙人騎鶴去  
卅年作客黃沙遠塞又吟鄉思落梅中 左宗棠

隔秋水一湖耳看岸花送客檣燕留人此境原非

異土

又長沙會館

共明月千里分記夜醉長沙曉浮湘水相逢好話  
家山陶雲汀



又鸚鵡洲湖南木商會館

惟楚有材大厦於今安梁棟  
因樹為屋故鄉無此好湖山

易實甫集句

吳城金楚會館

到處便為家望楚尾吳頭異地同臨明月色  
他年誰是主合衡峯鄂渚天涯都作比隣看

彭玉麐

我本黃葉村人更合吳越一家好聚會官裳

共敦鄉誼

梧州三江雨浙會館

誰是蒼梧地主每憶湖山千里且從容尊酒  
各話行蹤袁錫臣

貴陽江蘇會館

秋來黃葉成村對景忽生歸櫂想  
雨後青山滿郭登樓常作故鄉看

鮑花潭

雜綴

別墅

放鶴去尋三島客

袁子才題隨園

任人來看四時花

湖水經秋平似鏡

賞花別墅

蓮花破曉白如霜

丘壑在胸中看疊石疏泉有天然畫意

劍公別墅

園林甲吳下願攜琴載酒作人外清遊

小築足消閒茶熟香溫暢叙時來好友

味香別墅

名園堪遣興鳥曉花笑安居可擬遊仙

釀五百斛酒讀三十車書於願足矣

壺園何廉昉

製千丈大裘營萬間廣廈何日能之

十畝地無多只合春酒留賓秋燈課子

游園主人

半生天已定且向西園學圃東郭催耕



借問行路人四面雲山誰作主

某氏別墅

坐觀垂釣者五湖烟水獨忘機

半字當頭半臨浦水半臨海

半淞園

淞江之尾淞作湖山松作泉

菜圃

今日正宜知此味

于耐圃

當年曾自咬其根

此味易知但須綠野秋來種

鄂西林

對他有愧只恐蒼生面色多

舟聯

雙槳來時有人似桃根桃葉

西湖畫舫

畫船歸去餘情付湖水湖烟

憑虛御風看流水行雲從眼前過去

小冲

其寬若屋載書囊琴薦生天上歸來

醫舟

一溪春水流紅葉

前名

兩岸秋花照素書

白舫四時看山草湖烟頓開蒙悟

前名

黃庭半卷當清風明月小學浯翁

茶亭

夏去冬來送暖偷寒隨我願

失名

此施彼受搬柴運水為誰忙

前途赤杲杲日試問能行幾步

失名

這裏涼颼颼風何妨暫坐片時

四大皆空坐片刻無分爾我

失名

兩頭是路喫一盞各自東西

南南北北總須歷此關頭且坐斷鐵限門辨夏水冬湯應接  
過去現在未來三世諸佛上天下地

詳註分類楹聯集成

雜綴

會文堂書局印行



中国国家图书馆  
NATIONAL LIBRARY OF CHINA

東東西西阿誰瞞了跟脚試豎起金剛拳擊晨鐘暮鼓喚醒  
耳目口鼻身意六道聚生喫飯穿衣羊棧嶺茶亭

戲臺

古今人何處不相及  
天下事當作如是觀

吳大本集句

父老聞來消白晝

失名

兒童歸去話黃昏

何處臨風歌水調

陳次亮

幾人畫壁擅詩名

此曲祇應天上有

失名

斯人莫道世間無

是耶非耶其信然耶

集句

秦歟漢歟將近代歟

東西漢南北宋人物備考

失名

山海經水滸傳今古奇觀

聞絃歌之聲賢者亦樂此

集句

見羽毛之美鄉人皆好之

凡事莫當前看戲何如聽戲好

失名

為人須顧後上臺終有下臺時

乾坤一戲場請君更看戲中戲

失名

俯仰皆身鑑對影莫言身外身

或為君子小人或為才子佳人登場便見

失名

有時歡天喜地有時驚天動地轉眼皆空

大地春深最可愛杏雨紅肥楊烟綠度

江湘嵐

隔花人遠有幾多六朝金粉三楚精神

發於聲高也明也悠也久也有同聽焉斯為美  
奏其樂手之舞之足之蹈之若是班乎可以觀  
胡藤圃集句

圓明園戲臺

堯舜淨湯武生桓文丑旦古今來幾多脚色  
日月燈雲霞彩風雷鼓板宇宙間一大戲場

明太祖

揚州某氏園戲臺

坐客為誰聽二分明月簫聲依稀杜牧  
主人休問有一管春風詞筆點綴揚州

李澄

京師浙江會館戲臺

地當韋杜城南鼓吹休明共效謳歌來日下  
人在粉榆社裏風流裙履恍攜絲竹到山陰

失名

金陵湖南會館戲臺

荆楚九歌客中聊作粉榆社  
江山六代劫後重聞雅頌聲

曾國藩

粵省江蘇會館戲臺

臺榭共侘城問何人鐵板銅琶唱大江東去  
冠裳集吳會看此際朱輪華轂踰五嶺南來

失名

漢口長沙會館戲臺

畫船烟雨下潭州正此間檀板金尊樂府  
翻成望湘曲

瑤瑟清冷懷帝子更隔岸梅花玉笛天風  
吹送過江來 李笠仙

臨澧縣某廟戲臺

誰為袖手旁觀客  
我亦逢場作戲人 失名

四川關廟戲臺

擊鼓聽三搥想曹氏阿瞞曾經奪魄  
誤絃邀一顧憐小喬夫婿未免情癡

高升之

某邑春申君廟社戲臺

說甚麼蓋世英雄任你爭王爭帝費拔  
山氣力用磨杵功夫到頭來泡幻成空  
轉輪綠野丹祠萬古長留公輔像  
休認作登場傀儡看他繪影繪聲甫干

紹興天樂鄉叢社戲臺

戈擾攘忽搏俎昇平轉瞬間烟雲迭變  
即此朱顏粉額諸公可當古人看失名  
寺近城山一樣晚鐘醒俗夢  
岡隣琴石九天仙樂落人間  
湯壽潛

義園

逝者如斯夫  
掩之誠是也

劉金門集句

滿眼蓬蒿游子淚

葉姓

一盂麥飯故鄉情

紹興天樂鄉新開橋

宗慈願乘長風破此巨浪  
祖述誓清中原有如此江

湯壽潛

集句 集字附

集司空圖詩品

落花無言幽鳥相逐  
可人如玉清風與歸

妙機其微是有真宰

神化攸同控物自富

遠行莫至忽逢幽人

性情所至著手成春

水流花開晴雪滿竹

紅杏在林疏雨相遇

柳陰路曲過雨采蘋

碧桃滿樹清露未希

明月雪時金樽酒滿

悅帽看書生氣遠出

風日水濱碧山人來

杖藜行歌妙造自然

流鶯比隣如有佳語

如氣之秋窈窕深谷

晴雪滿竹冷然希音

猶春于綠荏苒在衣

畫橋碧陰觀花匪禁

夜渚月明所思不遠

綠杉野屋幽行為遲

柳陰路曲妙造自然

隔溪漁舟幽鳥相逐  
亂山喬木奇花初胎

娟娟羣松上有飛瀑  
蕭蕭落葉人聞清鐘

集焦氏易林

砥德礪才為國藩輔  
布政施惠生我福人

合匏同牢宴樂有序  
駕福乘喜昏悅宜家  
含和履中駕福乘喜  
年豐歲熟政樂民仁  
道德神仙增榮益譽  
福祿歡喜長樂永康  
論仁議福保我金玉  
達性任情樂其安閒

鵲笑鳩舞大喜在後  
麟子鳳雛和氣所居  
桂柏棟梁麟鳳堂室  
雍涼朱章文山紫芝  
達性任情得其歡樂  
布政施惠拜為公卿  
左酒右漿喜疊其室  
伯歌季舞福為我根

集東坡詩句

雄心欲搏南洲虎  
野性猶同縱壑魚

雞豚異日為同社  
魚鳥依然笑我頑

踞牀到處堪吹笛  
縱飲誰能問挈壺  
靈犀美璞無人識  
翠草玄芝匝地生  
未肯將鹽下蓴菜  
為君援筆賦梅花  
杖藜曉入千花塢  
扁舟歸釣五湖春  
落筆已吞雲夢客  
疊鼓誰撻漁陽柁

且向東皋伴王績  
欲師老圃問樊遲  
讀破萬卷詩愈美  
行盡千山路轉賒  
小詩試擬孟東野  
後學過呼韓退之  
只恐先移北山檄  
不妨還作輞川詩  
天下幾人學杜甫  
詩中自合愛陶潛



大木百圍生遠籟  
明窗一榻共秋閒  
無事不妨長好飲  
此生何止畧知津  
勝概直應吟不盡  
老來專以醉為鄉  
芳草不鋤當戶長  
明月未出羣山高  
青山有約常當戶  
秋水為文不染塵  
沽酒獨教陶令醉  
著鞭從使祖生先

舊事真成一夢過  
新詩說盡萬物情  
欲從抱朴傳家學  
為愛揚雄作酒箴  
多情明月邀君共  
無主荷花到處開  
收拾小山藏杜甕  
安排春事滿幽欄  
花時千圍堆紅錦  
世間萬事寄黃梁  
無數雲山供點筆  
滿江風月不論錢

臨風有客吟秋扇  
舞雩何日著春衣  
莫笑官居如傳舍  
盡攜書畫到天涯  
寂歷疏松敬晚照  
招邀明月到芳尊  
竹簟涼風眠晝永  
裙腰芳草抱山斜

集元遺山詩句

白雪任教春事晚  
貞松惟有歲寒知

且從少傅論中隱  
擬向靈君乞上池

眼淨塵空無可掃  
水清石瘦便能奇  
夢中舊事時一笑  
醉裏題詩字半斜  
落筆已吞雲夢客  
披衣閒詠舞雩風  
呼吸湖光飲山綠  
卷藏天祿包石渠

空谷自能生地籟  
吟毫端合染溪光



七重寶樹圍金界  
千里名山入酒船  
搥筆尚堪凌浩蕩  
題詩端為發幽研  
玉樹瑤林照春色  
物華天寶借餘光

世界原無眾香國  
花陰真是小華胥  
撐腸文字五千卷  
試手清涼第一篇

集米海岳語

寶晉齋前題洞石  
垂虹亭下破霜柑

路不拾遺知政肅  
野多滯穗是時和  
猗旒雲錦秋花起  
清照湖山皎月圓

天分秋暑資吟興  
晴獻溪山入醉蛾  
品藥不以甘為上  
製桐乃於焦亦宜

集漢碑句

蘭石之姿清少之行

魯峻温然而恭慨然而義

珪璋其質芳麗其華

熹平殘碑忠以自勗清以自脩

蹈規履信立德隆禮

聲無細聞雖遠猶近

根道合藝抱淑守真

勞而不伐有實若虛

含和履仁天與厥福

下民康濟順如流水

發號施憲民說無疆

羣公憲章穆若清風

集古詩句

典墳探奧旨錢起  
詩禮挹餘波盧綸

文章負奇色陳子昂

翰墨緣情製孟浩然

事業富清機杜少陵

山林引興長杜少陵

合沓聲名動寥廓杜

花房露透紅珠落温廷筠

縱橫逸氣走風雷李

桂樹風吹玉蘭寒曹唐



功業須當垂永久年融  
行藏爭不要分明李咸用

雲生礪戶衣裳潤皇泉  
窗近花陰筆研香黃庚

集宋人句

藏書萬卷可教子山谷  
買地十畝皆種松堯臣  
傍花行酒發新唱君謨

萬壑松風和澗水誠齋

養氣不動真豪傑放翁

十分烟雨簇漁鄉和靖

居心無物轉光明朱子

林花經雨香猶在萊公

酌酒賦詩相料理韋齋

芳草留人意自閒永叔

種花移石自殷勤半山

日消殘醉閒吟裏朱子

供家米少因添鶴放翁

夢入青藤古木間朱子

送酒人多不典衣朱子

舊書不厭百回讀東坡

已辦青鞋為老圃朱子

佳客時來一座傾道潛

細傾白墮賦新詩簡齋

吾山自信雲舒卷放翁

幾多怪石全勝畫詹正中

片心高與月徘徊希文

無限好山都上心余紫芝

樓臺近水涵明鑑簡齋

山泉釀酒香仍冽誠齋

琴酒和雲入舊山半山

芳草留人意自閒永叔

集蘭亭帖

知足隨所遇  
無事不可言

得山水清氣  
極天地大觀

一生大自在

人生有樂地

萬事將無同

流水無盡期

至人無異趣

靜坐得幽趣

靜者得長生

清遊快此生

一亭俯流水

蘭若一以靜

萬竹引清風

竹林相與遊

不隨時俯仰  
自得古風流  
世事若流水  
古懷足春風  
風清人坐竹  
水抱室當山  
相契外形迹  
放懷無古今  
知者所樂在水  
幽人託迹於山  
幽室在山自古  
短亭臨水長清

有情天不老  
無事日斯長  
觀水悟天趣  
臨觴懷古人  
風和春日永  
水映暮山清  
向長外人事  
彭脩豈時流  
其人賢於管樂  
斯文品是隨和  
大同無少長老  
至樂合天地人

盡日遊山不倦  
此懷與水同清  
五化與人同樂  
大和隨地生春  
一生脩得至此  
萬事聽其自然  
虛室自生靜氣  
清風若遇故人  
人於水竹得古趣  
天將風日娛清懷  
虛室向山生靜趣  
幽亭臨水得閒情

不管古今世事  
永為天地閒人  
無事此間靜坐  
有時亦樂清遊  
靜坐自然有得  
虛懷初若無能  
靜室與蘭同化  
清風遇竹有情  
無事在懷為極樂  
有長可取不虛生  
賢者所懷虛若竹  
文人之氣靜如蘭



和氣春風賢者生  
靜山流水玉人懷  
亭間流水自今古  
竹外春山時有無  
未能有事若無事  
不樂長閒取暫閒  
與幽人言自生悟  
得靜者相能永年  
此地得林亭幽趣  
其人抱水竹清脩  
靜者不知山外事  
幽情有悟水間天

人品清於在山水  
天懷暢若當春風  
室當靜坐蘭為契  
人有虛懷竹與同  
羣流所會生脩竹  
萬嶺之間一短亭  
流水抱古懷於內  
春風得生氣之初  
時為後生陳古事  
閒聽長老述前因  
在地竹陰清若水  
向人山氣古於天

有萬夫不當之氣  
無一事自足於懷  
古人之風清與惠  
賢者所樂扣不流  
蘭室清言懷古契  
竹林幽趣得天和  
取靜於山寄情於水  
虛懷若竹清氣若蘭  
賢者風期清和在抱  
至人天趣山水與遊  
春至無形因時生迹  
天長不老以古為年

春初人盡懷生氣  
老至丈當異少時  
每以放懷虛萬有  
嘗於託詠暢羣言  
少長同遊隨所向  
古今異趣信其然  
竹林諸賢相與俛仰  
蘭亭之會豈有古今  
竹氣初流山靜若古  
蘭言相晤春永於年  
得一以清自無終極  
遇羣能化是謂大同



天地之初由無生有  
山水所會以曲為幽  
古人所言錄諸座右  
賢者之樂暢於天懷  
於古人所為知其大  
不異已相視故能羣

集爭坐位帖

終身爭一息  
每事必三思

大文思吏部

古畫愛將軍

一尊對明月

三徑來故人

知者取懷以喻萬類  
大賢虛己得盡羣能  
情生情感於不自己  
事無事得其所以然  
古今大年老彭合契  
宇宙崇抱管樂相期

閒思參佛座

清悟品心香

省身若不及

脩辭立其誠

足迹半天下

心知惟古人

此地祇應明月到  
有書合共古人披  
香不知名惟定品  
月如相愛可長來  
獨坐堂階天高月滿  
忽披書本古往今來  
就已然情知未來事  
於獨居地見大眾心

集聖教序

天機清曠長生海  
心地光明不夜珠

萬里長空開眼界  
一川春水潤心田

清蔭滿階開畫本  
古香一榻坐書城  
魚魚入世難為海  
燕燕依人別有天  
縱橫百家才大如海  
安坐一室意古於天  
對月披書來哉益友  
然香品畫佐以清言

三春花滿香成海

八月濤來水作山

風定鐘聲花外度  
月明人影鏡中來



無力東風花半露  
有情春水燕雙飛  
雲出無心猶作雨  
花開有意不能言  
空山野卉間行處  
細雨黃花獨對時  
山林習靜聞仙梵  
風雨論文想故知  
門掩梨花深見月  
寺藏松葉遠聞鐘  
明月前身本相識  
清風故人殊未來

山川靈妙能增慧  
花木精神亦永年  
松以有濤添潤色  
月如無桂不清香  
常於良夜倚花立  
更有清詞對雨成  
使我開懷惟夜月  
令人深省是晨鐘  
不知有晉漢閒世  
自謂是羲皇上人  
會心處正不在遠  
非其人未可與言

廣庭有露桂花濕  
空山無風松子香  
遠思愛隨流水曲  
野情多為夕陽深

春歸花外燕相識  
雨洗林間翠欲流  
古石蒼松見貞性  
行人流水皆天機

集華山碑

古經道德五千字  
丞相成都八百桑

到門猶有秦時月  
設案應無漢後書  
養其氣日益宏大  
尊所聞知於高明  
日月光昭人共所仰  
風雨和會歲其有秋

漢水長存南國紀  
風人時有西方思  
文康詞若豐年玉  
信本書餘太古香  
豐樂古亭是用文地  
中和嘉節乃登農書

理定於一思起以位  
事從其殉人得所宗

辭有其祖河梁五字  
思之所觸少陵七歌

集碑塔銘

文字遠播如長吉  
書窟精求得永和

氣為真節金介石  
心神如秋月春風

投贈

仕宦 中國相司馬矣  
老子其猶龍乎

翁同龢贈李鴻章

大富貴亦壽考  
蓄道德能文章

某公贈潘世恩

西域橫行班定遠  
東方大治管夷吾

劉瀛州贈張曜

兩袖清風廉太守  
二分明月古揚州

阮元贈揚州守魏成憲

醉中擲筆金鑿殿  
睡起鳴笳鐵甕城

梁章鉅集宋人句贈鎮江守趙雨樓

大守風清江左依然迎謝傅  
先生來晚山中久已卧袁安

袁子才贈金陵守謝銓

歸隱

三絕詩書畫  
一官歸去來

李嘯村贈鄭板橋

鶴鳴在陰其子和  
鴻飛遵渚我公歸

某公贈沈坳堂子希人

委心仍鬱湘纍痛  
努力方參彌勒禪

劉葆良贈金殿臣



中国国家图书馆  
NATIONAL LIBRARY OF CHINA

菜根滋味知君慣

余小霞贈汪西芝

潭水交情愛我深

為政十年心經緯百方除太甚

范肯堂贈汪劍星

臨歧一樽酒綢繆萬語望重來

千頃太湖鷗與陶朱同泛宅

曾國藩贈何斌

二分明月鶴隨何遜共移家

馮唐易老雍齒且侯三字故將軍匹馬短衣春射虎

曾國藩贈彭五磨

左擁宜人右弄孺子孤山林處士蘆簾紙閣夜談龍

務觀萬篇半皆歸里作

劉石菴贈趙歐北

啟期三樂全是達生言

盾鼻弓衣行世文章皆事業

梁山舟贈王述菴

屏風團扇還山官府即神仙

封翁

四壁金花春宴罷  
滿牀牙笏早朝歸

章孟端

老蘇文學能傳子

梁章鉅贈張雲浦

小宋才名不讓兄

前生慧業摩麟角

曹地山贈徐西灣

六世清聲冠鳳池

泮藻重游萍筮重聽瓊林重宴

萬浣雲贈潘榕皋

老子壽星哲嗣德星賢孫文星

曾從二千石起家衣鉢新傳賢子弟

林則徐贈梁章鉅

難得八十翁就養湖山舊識老詩人

六秩翁侍九重親况伉儷偕老子孫賢問內外貴僚誰同大

福



七閩歌兼兩浙舞合交豫去思吳楚頌願東南吉曜直麗中  
台 程春海贈程梓庭之封翁

名流 心無罣礙 身其康強

俞蔭甫贈金有筠

高士門庭雲亦嫩 荷花世界夢俱香

梁山舟贈陶簪村

灌夫罵坐非關酒

朱野雲贈龔定菴

江敦移牀那算狂

迴瀾閣主贈陳伯熙

詩成擲筆仰天笑

酒酣拔劍斫地歌

迴瀾閣主贈葉友松

但縱高吟開醉膽

靜嫌對弈動機心 忽發狂言驚四座 分其餘事了十人

吳晉壬集句贈金粟香

白練裙黃紬被紫綺裘草聖詩伯酒仙鄭虔三絕

王澤山贈

玉條脫金僕姑鐵如意美人英雄名士何偃一雙

友某

文豪

天下文章同軌轍 門牆桃李半公卿

于文襄贈紀曉嵐

文涵萬古江山氣

曾國藩贈李竹吾

道續千年絲竹聲

天祿琳琅異書坐擁

劉葆真贈金粟香

風流儒雅吾鄉人師

天下文章莫大乎是

殷彥采贈王漁洋


一時賢士皆從其遊

幕府

文章西蜀雙司馬

某贈駱文忠幕府劉霞軒

經濟南陽一卧龍



中国国家图书馆 NATIONAL LIBRARY OF CHINA



此地有崇山峻嶺茂林脩竹  
是能讀三墳五典八索九丘  
徐則林贈幕府左宗棠

名醫 菊井活人真壽客  
林則徐贈何書田  
斡山編集老詩豪

養成雲下無窮嫩  
放出枝間自在春  
徐柳成贈黃五雲

從指下放八萬四千光明徹表徹裏都見  
以世間為三百六十骨節一痛一癢相關  
汪謙子贈某醫

方外 結屋古城下  
司馬德布贈靈芝寺僧量雲  
洗鉢清溪旁

脫去凡心一點  
周伯義贈焦山方丈几谷  
了却俗身半邊

千古英雄浪淘盡  
王可莊贈金山方丈秋崖

天下名山僧占多

花落花開僧貧富  
鄭板橋贈焦山僧  
雲去雲來客往還


名妓 偶憑楊柳藏春色  
晴嵐贈小卿  
為憶錢塘是故鄉

卻嫌脂粉汙顏色  
黃獻卿集句贈素仙

別有天地非人間  
迴瀾閣主贈鳳仙  
到門不敢題凡鳥

謫居猶得住蓬萊  
曾國藩集句贈妓  
在天願為比翼鳥  
隔江猶唱後庭花

詳注分類盛聯集  
會文堂書局印行



中国国家图书馆  
NATIONAL LIBRARY OF CHINA

莫輕碧玉小家子  
饒有夫人林下風  
呼取小名金不換  
解得真意玉連環  
同是玉京憐小謫  
怕拈紅豆惹相思  
千載琵琶作胡語  
滿城桃李屬春官  
紅杏半林簾捲起  
仙雲一朶笛吹來  
銀浦秋迎織錦女  
紅樓春倚看花人

黃弗奇代贈小林

徐某贈小真

余某贈紅玉

文某贈胡春

吳竹莊贈紅碧

余某贈銀紅

不知明月為誰好  
莫辨仙源何處尋  
交海內文章魁首  
是花中卿子冠軍  
憑誰叫醒癡人夢  
憐爾天然出世姿  
客子光陰香夢裏  
嬋娟麗態月明中  
才子風流誰本色  
寶花香處我銷魂  
小姑未嫁身如寄  
蓮子多心苦自知

劉廉軒集句贈明仙

吳六贈文卿

胡味馨書贈叫天

前名書贈子娟

前名書贈才寶

前名書贈小蓮



江上有人來拾翠  
天涯何處好藏嬌

胡味馨書贈翠嬌

蘭蕙本為空谷品

前名書贈蘭花

花香獨契素心人

馬上琵琶千古恨

某贈馬掌子

掌中歌舞一時輕

玉韞山輝珠懷川媚

某贈玉如

如花美眷似水流年

紫紫紅紅花花葉葉

某贈紫雲

雲雲雨雨暮暮朝朝

愛月眠遲惜花起早

某贈愛玉

玉樓宴罷金屋粧成

一顧傾城再顧傾國

某贈賽金花

千金買笑萬金買情

金屋雙棲此樂不易王者

某贈王者香

空谷獨秀惟蘭乃為國香

獨有宦遊人秋月春花等閒度

某贈春美

與君離別意良辰美景奈何天

戲贈新婚

嬌擅紅袖研生理  
笑脫青衫試體操

郎女均學校畢業生

形學須從三角驗

新郎方某精疇人術

測量初到幾何深

水流花放時聞鳥聲

集句

柳陰路曲是有真迹



雪點梅花昨夜不知五六出  
何淡如贈年家子某

戲贈續娶 雅謔古賢傳仙客重來挑欲笑  
葉調生贈劉某

戲贈跛子 世路盡羊腸行行且止  
失名

戲題某祠餘屋烟館 與祖宗呼吸相通方是香烟一脈  
失名

戲贈啞妓 真個銷魂千般旖旎誰傳語  
張麟年

戲贈某妓鬻身顯宦 嫁得金龜作小婦  
某少年乃某妓所厚者

戲贈某庸醫 不明才主棄  
紀曉嵐

新鬼煩冤舊鬼哭 前名集唐人詩句  
他生未卜今生休

巧對

四言巧對 大千世界 起世因木經  
不二法門 維摩經

白馬長史 後漢書

黃驄少年 北史

七松處士 唐書  
五柳先生 陶潛集

五言巧對 三代夏商周 上句黃荆公  
四詩風雅頌 對者劉貢父

三光日月星 上句遼使  
一陣風雷雨 對者蘇軾

烟鎖池塘柳 集五行 夕陽山外山 瞿宗吉  
燈深村寺鐘 之名 春水渡邊渡

醉愛羲之草 上句為王漁洋叔祖  
狂吟白也詩 洞庭所招對者為漢洋

七言巧對 五行金木水火土 失名  
四等公侯伯子男

五風十雨梅黃節 上句李西涯 水底日為天上日 上句寇萊公  
二水三山李白詩 對者程篁墩 眼中人是面前人 對者楊大年

八言巧對 圍棋請酒一著一酌 上句陸後明  
彈琴賦詩七絃七言 下句某客對

九言巧對 冰冷酒一點二點三點 姚廣孝  
丁香花百頭千頭萬頭

人曾作僧人弗能作佛 施愚山述句  
女卑為婢女又可為奴

十一言巧對 冬夜燈前夏侯氏讀春秋傳 集四季四方之名  
東門樓上南京人唱北西廂

棗棘為薪截斷分開成四束 失名

閨門起屋移多補少作兩間 失名  
獨立小橋人影不隨流水去

孤眠旅館夢魂會逐故鄉來 失名  
天近山頭行到山腰天更遠 賀藕庚述句

月浮水面撈將水底月還沈 失名  
楊柳花飛平地上滾將春去  
梧桐葉落半空中撒下秋來

朝無相邊無將玉帛相將  
相傳上句為明宏治中夷使所拈對者為李西涯

天難度地難量乾坤度量  
三月三日長安水邊多麗人  
一觴一詠會稽山陰脩禊事  
上巳宴客集句

十二言巧對  
良辰美景賞心樂事四者難并  
崇山峻嶺茂林脩竹羣賢畢至  
同前

孔門傳道諸賢曾子子思孟子  
周室開基列聖太王王季文王  
失名

十四言巧對  
新月如弓殘月如弓上弦弓下弦弓  
朝霞似錦暮霞似錦東川錦西川錦  
上聯張姓對者施樂

十九言巧對  
周宣王文宣王司馬宣王一君一臣一不君不臣  
鄒孟子吳孟子寺人孟子一男一女一不男不女  
失名

中華民國八年八月印刷  
中華民國十年十一月四版

(詳註分類楹聯集成四冊)

定價大洋七角



版權所有

編著者 傅陽山人  
校閱者 琴石山人  
印刷者 上海會文堂書局  
發行者 上海會文堂書局

分發行所  
漢口黃陂街 廣東雙門底 北京楊梅竹斜街 奉天鼓樓北  
會文堂書局

總發行所上海拋球場會文堂書局



中国国家图书馆  
NATIONAL LIBRARY OF CHINA